



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

Illvstrissimo Domino D. Honorato De Chavlnes Dvci Ac Pari Franciaë, Primo
Regni Mareschallo, Et Alverniæ Proregi.

urn:nbn:de:hbz:466:1-13167



ILLVSTRISSIMO DOMINO D.
HONORATO
DE CHAVLNES
D V C I
AC PARI FRANCIAE,
PRIMO REGNI MARESCHALLO,
ET ALVERNIAE PROREGI.

QUOD primum à nobis pro-
diit de rebus Geographicis cor-
pus, VIR ILLVSTRIS-
SIME, excepisti tam humaniter, eaque amoris
significatione, ut reliqua venire festina-
rent in partem benevolentiae tuae, plusque
oculos tuos, quam publicam lucem ambi-

EPISTOLA.

rent. Quamquam enim in te incidisset & grauius affectum corpore & districtum grauioribus Regni curis, quas in te nunquam morbus abrupit, eam tamen in te vultus alacritatem deprehendit, ut demum intelligeret tam sapienter ab Antiquis dictum esse quàm verè, in Heroibus mentem omnia peragere, magnos viros & illustres non habere corpora, nisi ut videantur ab hominibus, & colantur. Venit igitur ad te volumen alterum, quo pars Orientalis Europa incumbit percurrenda nobis, & maiori quidem mole quàm primum, tum quia in manibus nostris ex aspectu tuo munera creuerunt, tum quod sub auspiciis tuis iam facti audaciores plus terrarum emetiri & lustrare conati sumus. Quas tamen regiones subiicimus hoc altero corpore, aut agno-

EPISTOLA.

uere virtutes tuas , aut colunt prudentiam singularem , aut reformidant generosum robur familiae , aut in eam conuerehere parant dignitates , quibus maiores Christianus orbis non habet.

Prima sese in conspectum dabit GERMANIA, quam proximis hisce diebus fœdere percusso coniunctam nobis equiore percurre animo : quoniam spectanti plus afferet voluptatis facta consiliis tuis Sociâ, & pars iam Francicæ ditionis, quàm si deformata incendiis miserabilem obiceret aspectum Hostis, & latioribus terminis, hoc est maioribus ruinis rud eribusque circumscripta.

Offeretur tibi deinde SVECORVM ditio, quorum armis vsi sumus , illi consiliis nostris magna perfecere : quanti autem fecerint consilia tua hoc bello flagrante

EPISTOLÆ

Ludovicus Iustus, huicque affixus à Deo Magnus ille Genius, quo prudentiorem adhuc Gallia vidit neminem, fatebitur quicumque nouerit hunc amicitiam tuam ambiuisse atque fouisse sollicitius, illum quoties tecum locutus est (faciebat autem id saepe, & perquam familiariter) te parentem appellasse suum, dignumque iudicasse cuius in sinum arcana omnia sua deponeret amantissime.

POLONIAM quoque in hoc opere contemplaberis, quæ iam omni exceptione maiores virtutis tuæ testes habet, Regnam Augustissimam, atque illustrissimos Regni Sarmatici Palatinos.

Percurres item animo atque oculis firmissimam OTTOMANICI IMPERII partem, cuius in perniciem apud nos filius tuus adolescit, iuuenis prorsus exquisitæ

inde.

EPISTOLA.

*indolis , quem in sacram Melitensium
Equitum Militiam adscribi voluerat
Mater , pietatis Christiana atque forti-
tudinis magnum exemplar , ut memoriam
excitaret proavi sui , quem Sidone in bel-
lo sacro morientem totus orbis Christianus
luxit. Sed eius aetatem secundo genitus
loco anteuertit , & quam pollicitus erat
Ecclesiae tutelam , maluit ferro manūque
prestare , quàm verbis , & eloquentiā.
Et nisi me fallit primogeniti tui fortitudo ,
bellis hisce summā eius gloriā , atque vir-
tute profligatis , & ardore nostro milita-
ri in Turcam conuerso , perget in commu-
nem Christianorum hostem , faciētque suam
pietatem illam bellicam , quam accepit à
maioribus suis hereditariam.*

ITALIA denique quid tibi debeat
norunt omnes pietatis tuæ , atque reli-

EPISTOLA.

*gionis totidem testes quot Galli. Huius
certè famam Europæ finibus contineri
non patietur, sed in omnibus mundi
partibus occinet, & laudabit*

Deditissimustibi PHILIPPVS BRIETIVS
Societatis IESV.